


# Mes piz: Péz Signina

DAD ANDREAS CADONAU/FMR

■ El n'è betg il pli aut e tuttina dat il Péz Signina il num a la chadaina imposanta ch'embellescha la Foppa e che sa cumpo- na dal Péz Gün (2850 m), dal Péz Signi- na (2847 m), dal Péz Fess (2881 m) e dal Péz Riein (2761 m). La chadaina dal Si- gnina è cumplettada dretg è sanester da dus pizs pli pitschens da medem num; Péz Miezgi. Fertant ch'ils turists ascen- dan il pli gugent il Péz Fess sur la ruta bain marcada davent da Tenna prefere- schan ils Gualsers da la Stussavgia il Péz Gün, u Günerhorn, sco ch'els numnan quel culm, davent da la Güner Lückli sin 2470 meters sur mar, la colliaziun da la Foppa cun la Stussavgia. Il Péz Signina dentant è il piz preferì dals Rumantschs. Sper l'ascensiuin sur la Güner Lückli exi- sta la «direttissima» davent da Riein cun la pendiculara enfin Signina e lura en di- recziun Alp da Signina direct siadora sin il piz. L'ulteriura varianta da Pitasch an- ora sur la Botta Burschina (2103 m), ina bellezza trottada sur il fil en direenziun dal Péz Miezgi enfin il Péz Gün cun vista en la Foppa, Lumnezia e Stussavgia, sin trutg da nursas, senza mussavia e signali- zaziun, ir cun l'egl e cun il sentiment.



Il Péz Signina, dretg dal Péz Fess.

Bain, in segn exista, in impurtant. In um crap mediocher davos il Péz Gün che mussa la via en direenziun dal Péz Signina. E lura, la paja, l'egliada en l'olma da la cuntrada sursilvana.

## Cifras e fatgs:

Num:	Péz Signina
Autezza:	2847 m s.m.
Ascensiuin:	Da Pitasch ca. tschintg uras

